

Årsmelding for Nord- og Midthordland høgskulelag 2021

Formål

Formålet til Nord- og Midthordland høgskulelag er å eige og drive Fana folkehøgskule.

Styret for Nord- og Midthordland høgskulelag

Styret for Nord- og Midthordland høgskulelag i perioden har bestått av Magne Djuvik (styreleiar), Lars Skeide (nestleiar), Paul Field (styremedlem), Marianne Blom (styremedlem) og Tore Haltli (rektor/styremedlem). Varamedlemmene var Birte Barane (1. vara), Olav Dale (2. vara) og Kari Helland Drange (3. vara)

Styret har hatt 3 møter i 2021. Dei viktigaste sakene som har blitt behandla er restaureringa av den freda hovudbygningen og finansieringa av denne restaureringa.

Styret for Fana folkehøgskule

Fana folkehøgskule har etter folkehøgskulelova eit eige styre.

Styret for Fana folkehøgskule bestod våren 2021 av Magne Djuvik (styreleiar), Harald Molven (nestleiar), Sigrid Arne (skrivar), Anne-Merete Mærli Hellebø (styremedlem), Ole Helland (personalrepresentant), Herman Havsgård (elevrepresentant) og Tore Haltli (rektor). Varamedlemmene var Elisabet Dale (personalrepresentant), Fartein Aamann (elevrepresentant), Eva Pfitzenmaier (1. vara) og Knut-Inge Johnsen (2. vara).

Styret for Fana folkehøgskule bestod hausten 2021 av Magne Djuvik (styreleiar), Harald Molven (nestleiar), Lin Gloppen, Anne-Merete Mærli Hellebø (styremedlem), Ole Helland (personalrepresentant), Håvard Orskaug (elevrepresentant) og Tore Haltli (rektor). Varamedlemmene

var Elisabet Dale (personalrepresentant), Stella Margrethe Sørensen (elevrepresentant), Eva Pfitzenmaier (1. vara) og Knut-Inge Johnsen (2. vara).

Styret har hatt 5 møter i 2021. Dei viktigaste sakene som har blitt behandla er budsjett og rekneskap, tilsettingar, strategiarbeid og restaureringa av den freda hovudbygningen.

Organisasjonsendring

I 2021 vart Fana folkehøgskule, med organisasjonsnummer 938 485 526, sletta frå Einingsregisteret. Dette vart gjort med heimel i einingsregisterlova § 4 første ledd, som ikkje gjev registreringsrett som hovudeining for verksemder underlagt ein annan juridisk person. Slik Einingsregisteret såg det skulle Fana folkehøgskule slettast frå registeret, og undereininga Fana folkehøgskule, med organisasjonsnummer 974 315 378, flyttast til Nord- og Midthordland Høgskulelag . Dette vart gjort, og Fana folkehøgskule er no registrert som ei undereining av Nord- og Midthordland Høgskulelag.

Verksemd

Fana folkehøgskule er ein frilynt folkehøgskule eigd av Nord- og Midthordland Høgskulelag. Nord- og Midthordland Høgskulelag (NMH) eig alle skulebygningane og «Gamlebygget» frå 1723, hovudbygningen på Store Milde Hovudgard. Skuletomta bygslast frå Bergen kommune. Skulen har ikkje-økonomisk føremål, og det utbetalast ikkje utkomme til eigarane.

Skulen drivast etter Lov om folkehøgskulen med føresegner, og tek i mot statstilskot etter rammer gitt av departement og storting. I tillegg betaler elevane for kost og losji, undervisningsmateriell, ekskursjonar og studieturar.

Skulen rapporterer om drifta til Departementet, og ein utarbeider årleg ein sjølvevalueringssrapport som vert sendt Utdanningsdirektoratet og Statsforvaltaren.

Våren 2021 hadde hovudkurset 84 elevar på linjene: Teater og scenekunst, Biletkunst, Psykologi, Klassisk fotografi, Musikk, Spillutvikling og stipendiatplassar.

Hausten 2021 hadde hovudkurset 94 elevar, fordelt på linjene: Teater og scenekunst, Biletkunst, Psykologi, Analog foto, Musikk, Spillutvikling og stipendiatplassar.

Det vart ikkje halde kortkurs i 2021.

Samla årselevtal for 2021 er 93 elevar.

I sommarsesongen var det drive utleigeverksemd av skulens lokalar.

Arbeidsmiljø og likestilling

Arbeidsmiljøet på skulen er bra. Det har i rekneskapsåret ikkje vore unormalt høgt sjukefråvær. Det har i rekneskapsåret ikkje skjedd skader eller ulukker.

Skulen har system for internkontroll som pålagt.

Fordelt på heile stillingar og delstillingar var det 9 kvinner og 8 menn tilsett i verksemda i 2021.

Miljø

Skulen har rutinar for oppbevaring og handsaming av kjemikaliar. Skulen driv inga aktivitet som forureinar det ytre miljø.

Skulen har utarbeidd eit klimarekneskap for 2021.

Økonomi og rekneskap

Tilskotsbrevet frå Departementet viste at skulen fekk godkjent 192,26 tilskotselevar for 2021, noko som saman med husleige- og basistilskot gav eit samla statstilskot på kr 10 454 141.

Rekneskapen for 2021 blei oppgjord med eit overskot på kr 310 171.

Dette blir overført til eigenkapital.

Total eigenkapital per 31.12.21 er på kr 17 022 367.

Rekneskapen gjer etter styrets meining ein rettvisande oversikt over resultatet av verksemda og skulens økonomiske situasjon pr. 31.12.2021.

Eigarlaget Nord- og Midthordland høgskulelag har i 2021 motteke lagspengar på kr 12 600 frå sine 63 medlemmar.

Om drifta frametter

I tillegg til statstilskotet, er skulens hovudinntekt elevbetaling for kost og opphold. Eit stabilt elevtal er dermed ei forutsetning for forsvarleg økonomisk drift. Elevtalet har dei siste åra vore relativt stabilt.

I tillegg har skulen fått starta opp med sumarutleige igjen etter at koronapandemien gjorde dette vanskeleg i 2020.

Etter styret si meining er det grunnlag for å fortsette drifta av skulen.

Bergen, dato

Magne Djuvik (styreleiar)

Lars Skeide (nestleiar)

Paul Field (styremedlem)

Marianne Blom (styremedlem)

Tore Haltli (rektor)